



**Grad Sarajevo  
City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

Broj:  
Sarajevo, \_\_\_. \_\_\_. 2021. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na \_\_\_. sjednici održanoj \_\_\_. \_\_\_. 2021. godine, primilo je k znanju

Informaciju o provođenju Plana djelovanja za mlade Grada Sarajeva

### **PREDSJEDAVAJUĆI GRADSKOG VIJEĆA**

**Jasmin Ademović**

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba





**Grad Sarajevo  
City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

**INFORMACIJA  
O PROVOĐENJU PLANA DJELOVANJA ZA MLADE**

**Predlagač:** Gradonačelnica

**Obrađivač:** Gradska služba za obrazovanje,  
sport, kulturu i mlade

**Sarajevo, decembar 2021. godine**

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



## **UVOD**

Programom rada Gradskog vijeća Grada Sarajeva za 2021. godinu planirana je realizacija teme Informacija o provođenju plana djelovanja za mlade Grada Sarajeva u mjesecu julu i decembru. Gradsko vijeće Grada Sarajeva je na Petoj sjednici održanoj 28.07.2021. godine primilo k znanju navedenu Informaciju, te se ista odnosila na period od 01.01.2020.-01.06.2021. godine. Na Sedmoj sjednici Gradskog vijeća Grada Sarajeva, održanoj 27.10.2021. godine, primljena je k znanju Informacija o pitanju i statusu mladih u Gradu Sarajevu, napravljena na osnovu istraživanja koje je radio Institut za razvoj mladih KULT u okviru rada na Planu djelovanja za mlade. Gradska služba za obrazovanje, sport, kulturu i mlade izradila je informaciju zasnovanu na analizi rezultata istraživanja potreba i problema mladih Grada Sarajeva, te realizovanim ciljevima i mjerama iz Plana djelovanja za mlade grada Sarajeva.

Zakon o mladima Federacije Bosne i Hercegovine pod pojmom mladi podrazumijeva osobe u životnoj dobi od navršenih 15 do navršenih 30 godina starosti. Važno je istaći da su mladi, iako zasebna društvena kategorija koja ima svoje potrebe i probleme, integralni dio društva i jako važna podrška razvoju svih zajednica, pa tako i grada Sarajeva.

Član 8. Zakona o mladima Federacije Bosne i Hercegovine navodi da odgovorni organi vlasti trebaju mladim osobama putem utvrđenih mjera dati na raspolaganje različite mogućnosti u cilju unapređivanja njihovog razvoja. Pod odgovornim organima vlasti Zakon podrazumijeva općinski, gradski i kantonalni nivo vlasti u Federaciji Bosne i Hercegovine.

Navedeni zakon obavezuje ove nivoe vlasti da odgovorno poduzimaju utvrđene mјere kako bi unaprijedili razvoj mladih ljudi. Pod utvrđenim mjerama podrazumijevaju se mјere predviđene usvojenim dokumentima, kao što su strategija prema mladima i program djelovanja za mlade koji je donijela svaka institucija zasebno na temelju strategije prema mladima.

U skladu s članom 14. Zakona o mladima Federacije Bosne i Hercegovine, općinski, gradski i kantonalni organi vlasti dužni su samostalno osigurati minimum mјera na planu rada s mladima i omladinskim aktivnostima, kao i mehanizme i kapacitete koji, između ostalog, uključuju uspostavljanje stručnog radnog tijela za izradu, ažuriranje i praćenje provedbe lokalnih i kantonalnih strategija prema mladima, a u čijem će radu učestvovati predstavnici vijeća mladih ili omladinskih udruženja.

Općinske, gradske i kantonalne vlasti zakonski su obavezne koordinisati aktivnosti u vezi s radom s mladima i omladinskim aktivnostima. Pod tom koordinacijom podrazumijeva se koordinisanje aktivnosti iz federalne, kantonalne, općinske ili gradske strategije prema mladima, odnosno programa djelovanja za mlade, te povezivanje sličnih projekata i aktivnosti, praćenje uspješnosti u provođenju i postizanju rezultata, vođenje evidencije omladinskih aktivnosti i dr.

Član 8. Zakona o mladima Federacije Bosne i Hercegovine navodi da rad s mladima nude omladinska udruženja, ostala udruženja, neformalne grupe i drugi nosioci rada s mladima iz nevladinog sektora, kao i nosioci rada s mladima iz vladinog sektora. Iz toga zaključujemo da odgovornost za rad s mladima snosi i vladin i nevladin sektor.

Kada je u pitanju nevladin sektor, pod istim podrazumijevamo omladinska i druga udruženja, neformalne grupe i druge nosioce rada s mladima, poput domaćih i stranih fizičkih i pravnih lica koja se bave pitanjima mladih ili su subjekti od značaja za promociju i zaštitu uloge i pozicije mladih, a imaju prava i obaveze u skladu s ovim zakonom.

Uzimajući u obzir gore navedeno, a u skladu sa Zakonom o mladima FBiH, Gradska služba za obrazovanje je inicirala izradu Plana djelovanja za mlade Grada Sarajeva.

Plan djelovanja za mlade Grada Sarajeva je prvi strateški dokument koji objedinjuje i razrađuje ciljeve i mjere kojima Grad Sarajevo želi odgovoriti na razne potrebe i probleme mladih i općenito poboljšati kvalitetu života mladih, te strateški podržati Gradsku upravu u radu sa mladima.

Proces izrade dokumenta koordinisala je Gradska služba za obrazovanje, sport, kulturu i mlade uz tehničku i stručnu pomoć Instituta za razvoj mladih Kult, s kojim je navedena služba sarađivala i na prvom istraživanju i analizi o problemima i potrebama mladih grada Sarajeva.

Plan djelovanja za mlade Grada Sarajeva 2020-2024. usvojen je od strane Gradskog vijeća Grada Sarajeva na sjednici održanoj dana 04.10.2019. godine , te isti obuhvata sedam oblasti od posebnog značaja za mlade, a to su:

- obrazovanje i nauka mladih;
- rad, zapošljavanje i preduzetništvo mladih;
- socijalna briga mladih;
- zdravstvena zaštita mladih;
- kultura i sport;
- aktivizam (učešće, volontiranje i mobilnost) mladih;
- sigurnost mladih.

## PROVOĐENJE PLANA DJELOVANJA ZA MLADE GRADA SARAJEVA

### OBLAST OBRAZOVANJA I NAUKE MLADIH

CILJEVI I MJERE	OBRAZLOŽENJE
<p><b>Cilj:</b> Mladi Grada Sarajeva imaju osigurane preduvjete za nastavak kvalitetnog školovanja i potaknuti su ostati u formalnom obrazovanju</p> <p><b>Mjera:</b> Unaprjeđivanje sistema stipendiranja učenika srednjih škola na području grada Sarajeva.</p>	<p>Broj prijava na Konkurs za dodjelu stipendija kontinuirano je rastao i ove godine, što zaključujemo na osnovu činjenice da procentualno veliki broj aplikanata ispunjava uslove i ima potrebu za finansijskom podrškom u toku školovanja.</p> <p>Stipendije Grada Sarajeva za školsku 2020./2021. godinu dodijeljene su za 508 stipendista u ukupnom iznosu od 457.200,00 KM, a čime je obezbjeđen do sada najveći broj stipendija.</p> <p>Grad Sarajevo pruža podršku radu udruženja koja se bave projektima obrazovnog karaktera, poput Udruženja Obrazovanje gradi BiH, Udruženja matematičara Kantona Sarajevo i dr.</p>

<p><b>Mjera:</b> Doprinos Grada Sarajeva studentskom standardu</p>	<p>Grad Sarajevo je u augustu 2021. godine podržao JU Studentski centar Sarajevo iznosom od 50.000,00 KM za nabavku neophodnog inventara u Studentskom domu Bjelave, a kako bi se unaprijedio standard studenata koji koriste usluge ove javne ustanove.</p> <p>Također, u narednoj godini planirana je podrška mladima dodjeljivanjem godišnjih Evropskih omladinskih kartica pomoću kojih će isti u Bosni i Hercegovini, regionu, ali i širom Evrope ostvariti različite popuste i beneficije poput jeftinijih ulaznica u muzeje, karti za javni saobraćaj i sl., a uz saradnju sa organizacijom koja se bavi radom s mladim osobama te je ovlaštena za izdavanje navedenih kartica. Tim aktivnostima planiramo potaći mobilnost mladih, pružiti im priliku da prošire svoje vidike i upoznaju nove kulture i sredine, te uz pomoć Grada Sarajeva ostvare uštede i dobiju mogućnost priuštiti sebi ovakve aktivnosti.</p> <p>Gradska služba za obrazovanje, sport, kulturu i mlade održala je inicijalne sastanke vezane za ovu temu.</p>
<p><b>Mjera:</b> Promocija deficitarnih zanimanja na području grada Sarajeva</p>	<p>Zajedničkim djelovanjem sa ostalim nivoima vlasti povećan je broj učenika zainteresovanih za studiranje deficitarnih zanimanja, no prostor za napredak još uvijek postoji.</p> <p>Rado ističemo kako je povećan broj dodijeljenih stipendija za učenike škola koje pružaju znanja i osposobljavaju mlade za deficitarna zanimanja.</p> <p>Gradska služba za obrazovanje, sport, kulturu i mlade aktivno je sarađuje sa Službama za društvene djelatnosti i mlade u četiri gradske općine, Ministarstvom za odgoj i obrazovanje Kantona Sarajevo i Ministarstvom za nauku, visoko obrazovanje i mlade Kantona Sarajevo,</p>

	<p>kao i organizacijama civilnog društva koje se bave zapošljavanjem, mladima i obrazovanjem.</p> <p>U prethodnom periodu učestvovali smo na okruglom stolu na temu „Razvoj preporuka za unapređenje situacije položaja mlađih, kao i aktivnosti za socioekonomsku integraciju mlađih u Bosni i Hercegovini“ u organizaciji SOS Dječjih sela BiH, a u cilju prepoznavanja potreba mlađih i djelovanja u skladu s istim. Radilo se implementaciji projekta “YEEP – Jaki mlađi, nova perspektiva“.</p> <p>Obzirom na pandemiju koja nas je zadesila (COVID-19), organizacija promocije deficitarnih zanimanja sa poslodavcima u školama, nažalost, nije održana zbog epidemioloških mjera i zaštite zdravlja učenika. Ova aktivnost planirana je za narednu godinu, ukoliko se steknu uslovi za istu.</p>
<p><b>Cilj:</b> Mlađi Grada Sarajeva aktivno učestvuju u neformalnom obrazovanju koje im omogućava povoljniji položaj na tržištu.</p> <p><b>Mjera:</b> Unaprjeđivanje saradnje s organizacijama civilnog društva koje se bave neformalnim obrazovanjem mlađih na području grada Sarajeva</p>	<p>Saradnja na realizaciji projekata sa organizacijama civilnog društva koje se bave mlađima i omladinskim organizacijama je uspješna te se <i>kontinuirano radi na njenom unapređenju</i>.</p> <p>Prethodno je kreirana interna baza organizacija civilnog društva koje se bave mlađima i omladinskim organizacijama na području grada Sarajeva s kratkim opisom aktivnosti koje provode.</p>
<p><b>Mjera:</b> Uspostavljanje promocije programa Grada Sarajeva i njegovih partnera u području obrazovanja na mlađima pristupačniji način</p>	<p>Kreirana je interna baza organizacija civilnog društva koje se bave mlađima i omladinskim organizacijama na području grada Sarajeva sa kratkim opisom aktivnosti koje provode.</p> <p>Gradska služba za obrazovanje, sport, kulturu i mlađe je redovno održavala kontakt s organizacijama kako bi mogli znati gdje se,</p>

kada i kakvi programi obrazovanja za mlade provode.

Grad Sarajevo nastoji povećavati broj projekata neformalnog obrazovanja kojima pruža podršku.

## OBLAST RADA, ZAPOŠLJAVANJA I PREDUZETNIŠTVA MLADIH

CILJEVI I MJERE	OBRAZLOŽENJE
<p><b>Cilj:</b> Mladi grada Sarajeva su potaknuti koristiti programe samozapošljavanja i preduzetništva</p> <p><b>Mjera:</b> Promocija postojećih programa za samozapošljavanje i preduzetništvo mladih</p>	<p>Grad Sarajevo je u proteklom periodu podržao pružanje podrške postojećim programima samozapošljavanja i preduzetništva mladih, te će iste aktivnosti nastojati provoditi i u budućnosti.</p> <p>Gradska služba za obrazovanje, sport, kulturu i mlade vodila je analizu o tome koje programe u području obrazovanja, samozapošljavanja i preduzetništva provode organizacije civilnog društva s općinama Grada Sarajeva.</p> <p>U sklopu zajedničke saradnje između Investicijske fondacije IMPAKT i Grada Sarajeva u 2021. godini realizirao se program IMPAKT inkubator poslovnih ideja koji je, između ostalog, obuhvatio program poduzetničke obuke te finansijsku, stručnu i mentorsku podršku za 5 novih poslovnih poduhvata na području 4 gradske općine (Stari Grad, Centar, Novo Sarajevo i Novi Grad). Program se realizirao uz podršku Švicarske agencije za razvoj i suradnju (SDC).</p> <p>Pružena je podrška Udruženju Centar za evropski put „CEP“ za sprovođenje projekta „Poslovna rješenja“ kroz edukaciju na prostoru četiri gradske općine, gdje je u velikoj mjeri fokus na edukaciji mladih i nezaposlenih o</p>

	<p>načinu konkurisanja na javne pozive koje raspisuju zavodi za zapošljavanje.</p>
<b>Mjera:</b> Podrška i olakšavanje pokretanja poslova mladih	<p>Povećan je broj mladih korisnika programa samozapošljavanja i preduzetništva mladih koji pokreću vlastite poslove u saradnji sa drugim nivoima vlasti u gradu Sarajevu, najčešće općinskim nivoima vlasti.</p> <p>Grad Sarajevo iako ima ograničene nadležnosti, kao i budžetska sredstva kojima raspolaze, nastoji pružiti svaku vrstu finansijske podrške mladima, pa i onu za inicijalne troškove projektima mladih koji pokreću vlastiti biznis.</p>
<b>Mjera:</b> Promocija uspješnih mladih preuzetnika, preuzeća koja zapošljavaju mlađe, programa zapošljavanja, samozapošljavanja i startup programa za mlađe	<p>Definisan je godišnji uspjeh mladih po općinama, te je uspostavljena je saradnja s medijima i kreiran godišnji plan za promociju mladih u biznisu.</p> <p>Izvršena je analiza postojećih programa zapošljavanja, samozapošljavanja i startupa mladih po općinama.</p> <p>U narednom periodu planirana je posjeta gradonačelnice i načelnika uspješnim biznisima mladih.</p>
<b>Cilj:</b> Poslodavci na području grada Sarajeva podržavaju zapošljavanje mladih <b>Mjera:</b> Promocija i pružanje informacija poslodavcima o programima zapošljavanja mladih na području grada Sarajeva	<p>Grad Sarajevo će nastojati u narednom periodu organizacijski i finansijski podržati programe i aktivnosti koje promovišu zapošljavanje mladih, npr. osigurati subvencije poslodavcima koji podržavaju prvo radno iskustvo mladih putem javnog poziva i dr. U svakodnevnom radu Grad Sarajevo će sa poslodavcima promovisati zapošljavanje mladih.</p>

	Planirano je realizirati aktivnosti poput radionica, okruglih stolova, konferencija i sl. u saradnji s organizacijama civilnog društva i poslodavcima, a na temu zapošljavanja mlađih, a naročito mlađih žena i mlađih iz marginalizovanih grupa jednom godišnje od 2022. do 2024. godine.
<b>Mjera:</b> Podrška poslodavcima i mladima u kreiranju ambijenta za prvi poslovni angažman kroz stažiranje i pripravnički rad	Nastavili su se organizovati konsultativni sastanci sa organizacijama i kompanijama s kojima Grad Sarajevo sarađuje i kojima je osnivač o potrebi za programom stažiranja, kao i potrebama kompanija za programima stažiranja.

## OBLAST SOCIJALNE BRIGE ZA MLADE

CILJEVI I MJERE	OBRAZLOŽENJE
<p><b>Cilj:</b> Mladi na području grada Sarajeva upoznati su s programima socijalnog zbrinjavanja mlađih i aktivno ih koriste</p> <p><b>Mjera:</b> Ostvarivanje partnerstva sa socijalnim službama na području grada Sarajeva</p>	<p>Nastaviti će se organizacija konsultativnih sastanaka sa općinskim službama za socijalni rad kako bi se analizirale potrebe mlađih, a u cilju doprinosa i zajedničke podrške koju može dati i Grad Sarajevo. (Pomoć Kući za mlade, Podrška Udruženju Obrazovanje gradi BiH, KJU Dom za djecu bez roditeljskog staranja i dr.)</p> <p>Povećana su sredstva za stipendije i programe stipendiranja, poticaja pri zapošljavanju i druge programe koje Grad Sarajevo i partneri sa općinskih nivoa vlasti podržavaju.</p> <p>Planirana je promocija socijalnog uključivanja mlađih u društvo, naročito mlađih žena i mlađih iz marginaliziranih grupa.</p> <p>Grad Sarajevo i Slovačka ambasada sarađivali su na opremanju kabineta u JU Zavod Mjedenica. Projekat Grada Sarajeva „Jednako obrazovanje za sve“ kojeg finansira Slovak Aid, podrazumijeva nabavku specifične</p>

	<p>opreme za logopedski i kineziološki kabinet u JU Zavod Mjedenica.</p> <p>Radi se o obrazovno-odgojnoj ustanovi koja se bavi obrazovanjem, odgojem, habilitacijom, rehabilitacijom, socijalnom integracijom i inkluzijom djece i odraslih sa teškoćama u razvoju. Svaki dio planirane opreme predstavlja korak bliže njihovom osposobljavanju i jačanju kao pojedinaca i članova našeg društva. Opremanje ovih kabinetova je od velikog značaja prvenstveno za samu djecu kojima će oprema i kabineti pomoći da unaprijede svoje vještine, roditeljima kojima puno znači svaki vid napretka koji njihova djeca naprave, a i samom pedagoškom osoblju kojima će ova oprema pomoći da postižu bolje rezultate i napredak u radu s djecom.</p>
<p><b>Mjera:</b> Promocija institucija, organizacija i programa koji na području grada Sarajeva podržavaju socijalno uključivanje mladih</p>	<p>Grad Sarajevo je dao podršku programima i projektima koji uključuju mlade iz socijalno isključenijih grupa (mlade žene, Romi, djeca bez roditeljskog staranja i sl.), a koje vode organizacije civilnog društva potičući socijalnu uključenost mladih (npr. programi koje provode SOS Dječja sela BiH, domovi za djecu bez roditeljskog staranja, uključivanje mladih iz domova u projekte za zapošljavanje i sl.).</p>
<p><b>Mjera:</b> Promocija i podrška programa stambenog zbrinjavanja mladih na području grada Sarajeva</p>	<p>Gradska uprava Grada Sarajeva imala je svog predstavnika u Komisiji za izradu Strategije za mlade Kantona Sarajevo. Prilikom izrade strategije insistirali smo da se izdvoje što veća sredstva za rješavanje ovih problema mladih.</p> <p>U planu za 2022. godinu je populariziranje pitanja stambenog zbrinjavanja mladih prilikom partnerstava s firmama koje izgrađuju zgrade na području grada Sarajeva i upućivanje</p>

prijedloga drugim nivoima vlasti za uvođenje kriterija za dodatni sadržaj za dobivanje dozvola firmama koje izgrađuju stambene objekte. (Važnost kreiranja dodatnih sadržaja prilikom izgradnje, poput rampi za bicikla, dječjih igrališta, zelenih površina i sl.)

## OBLAST ZDRAVSTVENE ZAŠTITE MLADIH

CILJEVI I MJERE	OBRAZLOŽENJE
<p><b>Cilj:</b> Mladi na području grada Sarajeva prepoznaju programe prevencije i aktivno koriste njima prilagođene zdravstvene usluge</p> <p><b>Mjera:</b> Promocija zdravih stilova života na području grada Sarajeva</p>	<p>Gradska uprava Grada Sarajeva pružila je podršku programima i projektima koji su namijenjeni zdravlju mladih, te promociji preventivnih mjer i razvijanju zdravih navika.</p> <p>Pružena je podrška promociji javnih institucija i organizacija i njihovih programa koji se bave zdravljem mladih.</p> <p>Podržavaju se projekti koji imaju za cilj da motivišu mlade za odlazak u planinu/prirodu, pojedinačno ili grupno, porodični izleti, savjetovalište za porodicu i mlade itd.</p>

<p><b>Mjera:</b> Edukacija za školsko osoblje o zdravim stilovima života i prevenciji ovisnosti među mladima na području grada Sarajeva</p>	<p>Uspostavljena je saradnja s organizacijama koje se bave prevencijom ovisnosti. Osmišljeni su projekti programa edukacije za školsko osoblje te provođenje edukacije u saradnji s drugim akterima.</p> <p><b>Planirano je provođenje projekta „Prevencija na ulicama“ u 2022. godini:</b>  Svakog petka, u periodu od 1. maja do 1. juna, u periodu od 17 do 21 sat u parkovima i na trgovima sve četiri gradske općine, bit će postavljeni promo-pultovi, dijelit će se flajeri i voditi razgovori sa mladima. Projekat će se realizovati u saradnji sa gradskim općinama, MUP-om KS, Zavodom za alkoholizam i druge toksikomanije Kantona Sarajevo. Cilj projekta „Prevencija na ulicama“ je da mlade potaknemo da prihvate pozitivne stavove prema životu i svom zdravlju, da predstavimo posljedice uzimanja droge, te da ih navedemo da donesu odluku da ne probaju opojna sredstva. Osim promotivnih materijala bit će organizovani ulični performansi i street art takmičenja na temu ovisnosti mladih i afirmacije pozitivnih stavova o njihovom okruženju i životu.</p>
<p><b>Mjera:</b> Stavljanje u fokus projekata koji se bave zdravljem mladih kroz kreiranje dodatnih kriterija za podršku takvim projektima</p>	<p>Gradska uprava Grada Sarajeva prilikom uspostavljanja kriterija i javnog poziva za projekte mladih definisat će kriterije za bodovanje projekata koji se bave zdravljem mladih.</p> <p>U 2022. godini planirano je raspisivanje javnog poziva za podršku projektima od interesa za mlade iz Plana djelovanja za mlade Grada Sarajeva.</p>

## OBLAST KULTURE I SPORTA MLADIH

CILJEVI I MJERE	OBRAZLOŽENJE
<p><b>Cilj:</b> Mladi na području grada Sarajeva aktivno se bave sportom i imaju zdrave životne navike</p> <p><b>Mjera:</b> Promocija sportskih sadržaja i programa na području grada Sarajeva</p>	<p>Kontinuirano se radi na aktivnoj promociji, putem društvenih mreža i drugih komunikacijskih kanala, sportskih sadržaja koje besplatno nude sportska udruženja na području grada Sarajeva.</p> <p>Grad Sarajevo pruža finansijsku podršku sportskim manifestacijama za mlade koje se redovno održavaju na području grada Sarajeva.</p> <p>U kriterije za finansijsku podršku sportskim manifestacijama za 2022. godinu pokušat će se uvesti kriterij obaveze organizatorima da osiguraju određen broj besplatnih ulaznica namijenjenih mladima, naročito onim iz marginaliziranih grupa.</p> <p>Pružena je podrška sportskim kolektivima za organizovanje i provedbu besplatnog rekreativnog sportskog sadržaja za mlade na području grada Sarajeva.</p> <p>JP Olimpijski bazen Otoka čiji je Grad Sarajevo osnivač, te za čije funkcioniranje i podršku izdvaja dio budžetskih sredstava, cjenovno prepoznaje studentsku populaciju za koju je predviđena manja cijena svih vrsta karata, te samim tim podstiče iste na bavljenje sportom i zdrave životne navike.</p>
<p><b>Mjera:</b> Osiguravanje prostornih i kadrovskih uslova za aktivno bavljenje rekreativnim i amaterskim sportom za mlade</p>	<p>Izvršena je analiza postojećih prostornih i kadrovskih uslova za aktivno bavljenje rekreativnim i amaterskim sportom za mlade na području grada Sarajeva.</p> <p>U 2022. godini planiran je razvoj prostornih uslova za aktivno bavljenje rekreativnim i amaterskim sportom za mlade, odnosno</p>

	<p>pružanje podrške kako bi se postojeći prostori održali i nastavili svoje redovne aktivnosti.</p>
<p><b>Cilj:</b> Mladi na području grada Sarajeva aktivno koriste kulturne sadržaje i učestvuju u njihovom kreiranju</p> <p><b>Mjera:</b> Promocija učešća mladih na kulturnim manifestacijama na području Grada Sarajeva</p>	<p>Gradska uprava Grada Sarajeva svake godine pruža priliku mladima da volontiraju u Gradu Sarajevu, na Sarajevo Film Festivalu i drugim kulturnim manifestacijama koje podržavaju volontiranje, a imaju podršku od gradske uprave Grada Sarajeva.</p> <p>Pružena je finansijska podrška kulturnim manifestacijama za mlade koje se održavaju na području grada Sarajeva. Kontinuirano se nastoji se pružiti podrška kvalitetnom kulturnom sadržaju koji je namijenjen ovoj populaciji.</p> <p>Udruženje mladih umjetnika UMU Iliđa kao jedan od kreatora kulturnih sadržaja dobilo je podršku Grada Sarajeva za organizaciju Omladinskog Filmskog Festivala. Festival je dugi niz godina okuplja mlade filmske profesionalce, amatere i autore, promoviše njihov rad i spaja mlade iz regije i evropskih zemalja</p> <p>U 2022. godini pokušat će se uvesti kriteriji za finansijsku podršku kulturnim sadržajima i obaveza organizatorima da osiguraju određen broj besplatnih ulaznica namijenjenih mladima, posebno onima iz marginaliziranih grupa. Također, Grad Sarajevo je nastavio obezbjeđivati sredstva ulaznica za različite kulturne sadržaje učenicima srednjih škola.</p> <p>Izdvojena su sredstva kulturnim kolektivima za organizovanje i provedbu besplatnog sadržaja namijenjenog mladima na području grada Sarajeva. Grad Sarajevo nastoji</p>

<p><b>Mjera:</b> Poticanje obrazovanja publike, razvoja kreativnosti i kulturnog stvaralaštva mladih kroz saradnju aktera u društvu</p>	<p>Ostvarena je saradnja sa srednjim školama i ustanovama koje se bave kulturnim sadržajem na području grada Sarajeva u cilju obrazovanja kroz realizaciju zajedničkih izložbi, a kako bi se razvila kreativnost ove ciljne skupine.</p> <p>Povodom Dana grada Sarajeva organizirana je izložba takmičarskih likovnih radova učenika srednjih škola sa područja Kantona Sarajevo, a koju na osnovu konkursa kojeg Grad Sarajevo provodi, organiziramo sa JU Srednjom školom primijenjenih umjetnosti.</p> <p>Grad Sarajevo neprestano radi na promociji kulturnih sadržaja namijenjenih mladima na području grada Sarajeva, a namjerava se pružiti veća podrška istim u toku naredne godine.</p>
---	--

#### OBLAST AKTIVIZMA (UČEŠĆE, VOLONTIRANJE I MOBILNOST) MLADIH

CILJEVI I MJERE	OBRAZLOŽENJE
<p><b>Cilj:</b> Mladi na području grada Sarajeva kvalitetno provode slobodno vrijeme koristeći resurse kojima Grad Sarajevo raspolaže</p> <p><b>Mjera:</b> Promocija javnih prostora i njihove upotrebe za kvalitetno slobodno vrijeme mladih</p>	<p>Gradska uprava Grada Sarajeva pruža finansijsku podršku javnim ustanovama u kojima se održavaju aktivnosti od interesa za kvalitetno provođenje slobodnog vremena mladih na području grada Sarajeva.</p> <p>JU Gradske muzeje, JP Olimpijski bazen Otoka i resursi kojima raspolaže JP Sarajevo, a čiji je Grad Sarajevo osnivač i jedan od najvećih finansijera, nude različite sadržaje za kvalitetno provođenje slobodnog vremena mladih. (muzeji, Trebevićka žičara, bazen itd.)</p>
<p><b>Mjera:</b> Kreiranje javnog poziva za dodjelu sredstava za projekte mladih</p>	<p>U 2022. godini planirana je promocija volontiranja kroz kreiranje javne kampanje grada o volontiranju, učešće na programima i slično.</p> <p>Gradska uprava Grada Sarajeva će za 2022. godinu nastojati obezbijediti sredstva za podršku projektima za mlade.</p>

	<p>Grad Sarajevo će u narednom periodu nastojati provesti aktivnosti:</p> <ul style="list-style-type: none"> <li>- Uspostaviti radnu grupu za izradu kriterija za javni poziv namijenjen mlađima i projektima mlađih na području grada Sarajeva te u istu uključiti članove Komisije za pitanja mlađih Gradskog vijeća Grada Sarajeva;</li> <li>- Uskladiti kriterije s postojećim pozivima općina na području grada Sarajeva;</li> <li>- Definisati prioritetne oblasti za podršku projektima mlađih svake godine, a u skladu s Planom djelovanja za mlađe Grada Sarajeva;</li> <li>- Objaviti javni poziv za finansiranje i sufinansiranje projekata mlađih na području grada Sarajeva;</li> <li>- Promocija poziva na mlađima pristupačan način (web-stranica i zvanični kanali Grada Sarajeva, društvene mreže, informativne prezentacije i radionice u lokalnim zajednicama i sl.).</li> <li>- Potpisivanje ugovora, dodjela sredstava i praćenje provedbe dodijeljenih projekata vršit će Gradska služba za obrazovanje, sport, kulturu i mlađe u saradnji sa članovima radne grupe koja će se uspostaviti.</li> </ul>
<p><b>Mjera:</b> Kreiranje programa podrške za aktivno uključivanje mlađih u programe volontiranja na području grada Sarajeva</p> <p>Podrška i preporuka projektima i kompanijama koje omogućavaju volontiranje mlađih s područja grada Sarajeva</p>	<p>Grad Sarajevo u 2022. godini planira potpisivanje memoranduma s organizacijama koje su spremne podržati i angažovati volontere u svom radu.</p> <p>Izrađena je baza volontera u saradnji sa Institutom za razvoj mlađih Kult, odnosno baza volontera koji su aktivni na području grada Sarajeva.</p>

## OBLAST SIGURNOSTI MLADIH

CILJEVI I MJERE	OBRAZLOŽENJE
<p><b>Cilj:</b> Mladi na području grada Sarajeva osjećaju se sigurno i doprinose sigurnosti svojih vršnjaka i drugih građana</p> <p><b>Mjera:</b> Kreiranje kampanje za sigurnost mladih</p>	<p>Gradska uprava Grada Sarajeva će u saradnji sa Općinskim službama za društvene djelatnosti i mlade, sportskim kolektivima i fudbalskim klubovima na području grada Sarajeva u narednom periodu organizovati aktivnosti na prevenciji nasilja, te u istu uključiti organizacije i institucije koje se bave aktivnostima s mladima.</p> <p>Kroz projekat „Promocija različitosti i jednakosti u Bosni i Hercegovini”, Evropska unija i Vijeće Evrope finansijski su podržali CEI Nahla i Gradsku upravu Grada Sarajevo u realizaciji projekta osnaživanja mladih za djelovanje protiv govora mržnje „Klikativizam čini stvarnu promjenu”. U okviru ovog projekta organizirala se <b>Edukacija za mlade aktiviste/ice u oblasti govora mržnje i ljudskih prava</b>. Učesnice i učesnici su kroz radionice i praktičan rad učili o ljudskim pravima i mehanizmima zaštite sloboda i prava, zločinima iz mržnje i govoru mržnje, o aktivističkim principima i primjerima dobre prakse, alatima i metodama za prijavu uvredljivog i diskriminatorskog sadržaja u medijima, te drugim alatima i metodama za aktivističko djelovanje poput: lobiranja, zagovaranja i trenerskih vještina, kako online tako i uživo.</p>